

講堂應設 孔子位開講之日官紳一體行禮以昭誠敬近日桂林學會庚子拜經尊孔教也

講義以發明朱程陸王之學為及格以闡明中西專門之學為溢格

講義問答按期遞寄總會處擇其尤者刊入湘報

講義年終彙呈 撫院 學院核察果於中西學術夙有講求由 撫學兩院彙摺保奏以示鼓勵

講義年終由總會彙呈成書頒發各學俾官紳士庶平時攷究

學官宜攷求本地土宜風俗戶口釐金各稅及一切有關農務商務報知學會刊入湘報昔顧亭林閱公移

邸鈔成郡國利病書陳確庵講學於河澗農田水利兵法陣圖無不研貫土宜風俗亦學人所應知也

廣購各報存署以便有志之士皆可購閱

教官未能洞悉時務應請朱程陸王之學其專門之學則由開聘積學之士宣講

生員不赴學署聽講者教官不得舉優

續錄戶部奏覆補稅藥牙摺

臣等竊維時局艱難債款既未能全清洋債復無從再借而一切應行籌備緊要待支之款更復紛至沓來所賴中外大小臣工目擊時危共籌利濟本年正月臣部因債款期迫數鉅是以議准籌借華款發給信股票由京外官員提倡為商民先臣部亦領度支亦知天下財力有限斷不忍過為搜括重困商民故凡籌濟餉需總期無損於民有益於國此臣等持籌之苦心可為天下共諒者也該部統所陳鋪稅藥牙兩端亦謂天下有可收之利而難辦不致驟驟并期臣部持之以堅疆臣行之以力臣等詳加參酌鋪戶納捐一事即古人墾法遺意光緒二十二年湖廣督臣張之洞曾行之於漢鎮咸豐同治年間京師及江蘇廣東各省亦均有行之者大致按鋪戶租價之多寡按月各酌提租銀數成納之公家夫房主按月撥租收租住客按月撥租交租其租價自必確有可據若如該部統所奏按間架之大小廣狹及商人所業工藝強弱分三等不特辦公繁難易滋驕且恐叢生弊混轉開衙吏需索之門應請 旨飭下順天府府尹及各省將軍督撫派委慎之員會同地方印官查明城廂市鎮共有鋪戶行店若干無論資本之輕重獲利之厚薄與夫間架之大小廣狹均按所賃房屋租價每月實繳銀數自本年四月初一日為始於十成租價內酌提一成歸公此一成內房主與租客各占其半如每月租價十兩提銀一兩房主與租客各出銀五錢按月彙集或由地方印官查收或另派員分取該員等應需薪水准

由該管上司於所收租價內酌量提給惟不得於此外復有絲毫規費以杜弊端此外自行蓋造舖屋但係經商雖無租摺亦應比照同行所繳銀數照收一成俟洋款本息還清再行酌量停止至洋藥土藥一項迭經臣部會同總理衙門奏請整頓並奏令各省於土藥出產之地照每擔六十兩之數征收先後據各省聲覆或已照數開征或請漸從緩辦或有原收稅釐之外加抽二成或照抽收地稅之法加收畝稅至商賈運之後烟土如何行銷熟膏如何傳賣應否再行收稅臣部實未議及現據該部統所稱凡售賣洋藥土藥必須請領部帖方准行銷熟膏出售另設烟膏部帖大致分繁盛次盛簡僻三等實令牙行按年領帖納稅細譯原奏亦以此等藥物為害無窮猶是藉征為禁之心多取誠不為慮應請 旨飭下順天府府尹及各直省將軍督撫按照該部統所陳各節查明各城廂市鎮售賣洋藥土藥及出售烟膏各行店共有若干分別地面繁盛次盛簡僻三等迅即酌定章程報部自本年四月起一經分設牙行請領部帖各省地方有司及印委各員自應共體時艱秉公辦理如有抑勒苛派浮收侵蝕及縱容家丁吏胥藉端訛索或包庇徇隱等弊一經查出應即從嚴究治該商等食毛踐土其有天良際此時艱自必量力樂捐以濟公家之急一俟各省辦有端倪通計全省能收鋪捐若干藥牙稅銀若干均限本年三月概行據實覆奏不得藉詞推諉延宕致誤要需所有臣部遵 旨議奏各緣由禮合恭摺具陳伏乞 皇上聖鑒謹奏奉 旨依議欽此刻已由部飛咨各直省將軍督撫一體遵辦限於三月內查明覆奏矣

衡州府衡陽縣士紳公舉推廣學會與保衛局稟并批

具稟衡州府衡陽縣歲貢生趙慶梅清泉縣優附生左全孝衡陽縣廩生鄒日煊附生夏榮甲廩生夏欽陶炳麟彭見綬附生劉乙輝尹淦羅大開王家煥楊寅丙張鵬翰清泉縣廩生蕭宗湘羅伯勛附生汪鴻翔附生尹長齡李嗣庚莫重瀛蕭邦恒羅時傑楊江沐謝鏗等為懇求推廣學會與保衛局以開民智而衛民生事竊維伏處草莽仰聆 中丞大人創設南學會保衛局不勝歡欣欣忭以為崇文會武嘉惠湘南在此一舉衡清雖屬下邑敢不仰體 德教踴躍承讓於即日公同泥首 台前懇求推廣學會以副愛士澤民之至意惟風氣之開衡州較難且地居上游為粵桂通衢往來行賈尤夥五方雜處無賴叢集而衡清縣境東北接衡嶽西連湘鄉邵陽皆巖山深林賊匪奸徒形迹詭秘以叢集之匪徒誘未嘗學問之民庶則教案相尋而起實為無形之隱患夫戕殺一二教士無損於西人九牛一毛而辱吾 君父感吾 國土且為吾二千餘年孔子之澤以一朝

之忿疾不仁而召亂者顯樹之敵去年膠州之亂未弭前車可鑒再嘗試耶是皆由民智未開正氣未聚以至於此急急仿辦學會以開導士民之心仿辦保衛以團聚士民之氣智開而後可與言有為氣聚而後可與言有守故私意謂 德政推廣所及尤宜先遠術清昔曾文正以團練起家創平大難自衡州起誠以洞庭據長江之首領蒸湘扼洞庭之肩背高屋建瓴其勢順也今欲仿辦南學會保衛局先於府城設立總局為合辦公所惟學會以講求各種學問便人閱書為主平日讀書半日體操總期有濟實用凡在四民皆可入學但必性情敦厚志趣不俗方許列名如已入會而不遵守章程或向有劣迹者公議屏出區統於都都統於縣縣統於府而總統於南學會各人願學者量力集資多則可以設學堂購書籍製儀器資少則暫備茶酒講論之資逐漸開辦此私擬仿立南學會之大畧情形也保衛之立城市全仿省章而練人之多少視乎經費之豐歉咸同時各紳耆辦團籌費操之裕如富者捐資強者出力鄉里則地闊人散較之城市須變通辦理清查戶口比屋抽丁每村視眾寡壯穉派一二人三四人不等日間仍安耕作早夜自行操演鄉紳時時勤為教習城紳每屆兩月赴鄉巡操有賞資無工食每年中竟日操演者不過三四十日賞給不過數千金以團防辦法歸保衛統屬庶幾舉重若輕立可集事練法由拳勇而刀鎗而火器而洋槍以漸而進總期易行不在張大衛清近十年來風氣日益勁悍人人思動少年子弟喜習拳勇且動賦遠遊視吳粵若門戶無聊之徒或更誘入匪黨故但思無公正紳耆倡率團練如上憲肯為主持正士亦皆有老幼厲墓之念其誰不力思効命正士出局章定因鄉里少年之動機勸以兵法不須多費才力其氣已聚後來再加法度易易爾都紳由公舉公應而外以學會為之範圍不患其有滋擾曠廢諸弊昔江忠烈念天下隱憂在伏莽子新甯集諸父老為團練法每月朔會鄉村子弟剴切譬喻俾知親親長長之義示禁數條首約不得入會匪仍搜捕社中不法者以兵法部勒其眾數月一鄉肅然遂為湖南鄉勇之起點今紳等於規仿先賢之餘尙擬推廣舉行藍田呂氏鄉約乘其禮讓庶嘉之責為昇平體積之基將來與學校以啟迪秀長振農功以講求製造均當次第開拓以圖厥成至於保衛費用之鉅以購槍為最衡人之游宦各省者可以函商捐置如今調補湖北東湖縣夏時泰現已捐置拾槍四十桿於十都私團員徵外省官游見聞較廣鼓舞更易城鄉合辦保衛局務必更有起色此私擬仿照保衛局推廣鄉辦變通之大概情形也但舉行學會易舉辦保衛難非有德望素著之紳耆為之總不能舉辦非有才能出眾之紳士為之副不能贊成而尤非奉有上憲札委不能服眾心而專責成茲有衡陽縣紳耆馮邦棟常鼎清泉縣紳耆丁良駿羅紋衡陽縣紳士程崇

信馮綱孝廖廷銓夏紹欽清泉縣紳士周先稷蕭邦樞楊榮鏡葉其德望才能均為兩邑人士所推重紳耆來省之日會同兩邑耆耆再三酌定係為各保身家起見萬不敢稍涉偏私致貽伊戚其是否可任尙求 札飭衡州府朱守博探羣議嚴核利弊並令該紳等酌度事勢詳定集費辦事章程即由衡州府憲申詳 台前核定批行方為允洽專札委辦以重責成所有懇求推廣學會保衛局暨為變通辦理緣由理合稟呈伏乞 大人速賜施行不勝悚切拜禱之至謹稟

計鈔粘年貌清摺一合

撫部院陳批

據稟民智未開正氣未聚亟宜仿辦學會以開導士民之心仿辦保衛以團聚士民之氣並推及於教案之起由於匪徒誘未嘗學問之民庶等語洵為洞見本原厥維氣運之論於地方之安危民生之休戚關繫極大衡州山水繁會代產賢傑允為湘省勝區惟既多聰穎之民即易染浮囂之習所賴二三長德碩士識微鑒遠重正而裁成之文武並用長久之術也凡事利與弊恒必相因惟辦理得人則利多而害少且可有利而無弊故天下無無弊之法而賴有防弊之人茲閱所舉衡清兩邑各紳既為時望所歸必深明公極私存義極利存之道候如稟札行衡州府督率衡清兩縣博探羣言研攷利弊集諸紳耆妥籌辦法詳議章程並酌擬明正紳董數人稟請核飭遵照此批稟鈔發清摺附

南學會問答 ○長沙周曠問 ○頃閱學會問答中有推廣學會之議仰見 上白先生勸懲懇懇有加無已之至意誠我湖南數十萬人之幸福謂天下可從內面整頓者順而易從外面擴充者逆而難當欸項奇絀之時而籌一推廣之方則莫如即書院添設學會為便岳城求俱宜添設今謹言岳麓以例其餘院長不親院事則諸生無所統一學術無自講求懇請於算學課外增設史學輿地學兵法學學長每月朔望日為會講之期院長學長俱前夕到院本日早膳後齊集大衆會講院長通論各學源流學長六人以次宣講一如南學會之例講畢學長備詢諸生分派半月功課頒給西曆並日記至次會諸生將日記一律繳呈日記由學長評定月課由院長課取其有才具卓越屢列高等者備紀於冊送學院院酌取咨送南北學堂其才學尤著者經由兩院奏保宏綱既舉眾目睽張何患風氣之不開人才之不出也 ○問經濟特科之舉較前博學鴻詞尤為切要台省諸公親值聖主求賢之日自當汲引天下第一流人物拯濟時艱南海康先生新會梁先生是誠

天下第一流而維新黨中之魁傑也為今之計疆臣俱宜以破除情面薦達人才為第一義知柳下惠之賢而不與立文仲所以貽譏千古也先生以為何如○問中國新出報章約十餘種皆數千年未有之奇文不刊之至論鄙意實欲懇請憲連名具奏進呈御覽近出西書一律上聞使 皇上周知中外之故而潛移默奪變動光明一人轉運於上萬姓承流於下蓋亦維新國是之一大機也○問南學會問答似俱宜存稿以為異日刊行流布之據○長沙風啟明問○岳麓為天下四大書院之一全省風氣俱視於茲近歲聞 朝廷有整頓書院之議已於岳麓添設算學醫學入學者備賞二十千文然去歲算學生二人譯學生一人學長廖偉數百金毫無益於成敗有無之數綜核名實者固如是乎竊謂不如將規錢一律裁去凡願入學者詣監院報名試以策論擇其心術純正才具優長者拔入首選其不及格者不與焉不限資格不拘年貌惟才是索且不以三年定例阻寒士向學之路蓋學而有得自能尋向上去如其無得拘拘何為此書院之宜整頓者一也院長為一院之主進制院事弗躬弗親所設史學掌故各門僅於課卷中定其甲乙與時文課士奚益乎此書院之宜整頓者二也獎銀不如獎書荷能購取現在十餘種報及各種西書充獎書居其二銀居其一豈畏諸生滋事乎此書院之宜整頓者三也廣儲書籍始足以開風氣而拓見聞嶽麓所藏僅有中書多不適用人領數卷豈足以發皇耳目開拓心胸宜置書數千金以供文人博覽或謂子言誠是其如財力支細何余謂 上台之加意湖南至矣校經學會時務學堂之舉動輒逾萬且係常款尤優為之何有於是且歲脩局素有益餘如得 撫憲札飭豈不足辦并勸紳士捐之數千金之書可立致也此書院之宜整頓者四也愚陋之見伏惟省覽○答曰天下書院皆有講堂即從前山長學生講學之所也日久廢弛無人發明此義者而講堂為虛設矣王祭酒於未舉科舉之前將數百年講時文之老著名書院而改定課章以經義治事分門提倡新學樹之先聲可謂難能矣又虛心動懇自以釋算非已所長另籌經費延聘學長以代之教士用心亦良苦矣其例定每人存費二十千者係照校經學會辦法恐諸生之淺嘗輒止學而不成也諸君何不深求其故耶昨又聞祭酒有增設經史學長及每月過江講學之議蓋學會愈多則民智愈開人材愈盛未有不關心者也凡泰西大學堂章程有總教習有分教習又有領班學生猶之統領選管官管官教哨官哨官教什長什長教散勇次第相及統領不過總其成而已山長之職亦如是也至嶽麓球三書院現無西學書籍應即置備以公同好去歲原任上海道劉觀察麒祥江蘇補用道蔣觀察德鈞翰林院庶吉士熊大史希齡三人集費購到製造局所譯西書共二十四箱每箱壹百二十種每府書院捐置一箱現在常

德沅州均已領去惟嶽麓求向無人來取倘有願領者可向王祭酒轉詢庶常給發可也此外如得人提倡官紳願捐者至多但須有妥實齋長經理耳否則便散佚雖捐亦無益也獎銀不如獎書宜意之美鼓舞之善以明士非徇利之心至可欽佩此條尙屬易行至高等學生由院長咨送學院存記一節現在變通科舉 上諭本有每屆歲舉由學院調取各書院高才生應試之例又謂各書院學堂須由山長教習勸加整頓等語南學會現定章程凡入學會者每年由學長紳董察核其德才藝之所長給予憑單稟呈 撫學兩院核核以備咨送總理衙門大學堂及各機關局并應特科歲舉之選以廣人才之出路倘嶽麓諸書院亦照此辦法必有成效况皇皇 諭旨明明實成於山長教習之身也西人謂中國時文之毒深中人心既無益於國又有損於已何謂無益凡讀書為用世也春秋可以斷獄則窮經為有益矣今人於未得科舉時疲精勞神於八股試帖既得科舉乘如做履一行作吏又須另習律例牧令諸書從前所得八股毫無用處所謂無益於國也何謂有損湖南鄉試約一萬秀才而中額僅五十餘人即精八股者亦未必能中即中亦未必能第不第科名坎壈衰髮皓然其以學究終身而老死庸下沒世無名者不計其數或有垂老不第而思改業者兵刑錢穀無一長技謀生路絕飢寒交迫且仰事俯畜之無資所謂有損於已也今科目既多一人一長即有一出路得志者可以輔弼國家不得志者亦不失各學堂教習館席及各局廠幫辦差事何至有所用非所習所習非所用之弊哉至謂薦舉康梁一節現特科舉行尙無定期不能決其無人保薦也又以報章進呈 御覽一節現鄂督張香帥設立官報即擬進呈將來湘報亦可進呈繼之自上則天下從風君等所見實超卓凡庸之上矣佩服無已

湘紳先輪報國○陳大中丞奉 旨開辦昭信股票委黃玉田觀察總理其事初議集紳商辦在籍江西補用道朱觀察昌琳字雨田即首先報効湘平銀一萬兩業交善後局收存吾湘風尚忠義貧者出力富者出財觀察所為洵可感也

學堂添聘教習○武備學堂添聘天津黃君殿臣為教習時務學堂添聘廣東歐君渠甲湘潭周君大烈瀏陽唐君才常為教習日內聞可定期啟學矣

駛船長江○九州報云近年來德國注意於東方不一而足頃又聞駐滬德國領事飭令德商擬創設長江輪船公司駛往長江一帶並請德國政府補充其費款且稟政府曰刻下往來長江船中惟英人所設公司甚有勢力其他華人日人所設次之然各公司現在所獲之利不少將來仍必日旺也若我德使用輕快之輪船以



相爭則握掌長江之利權甚不難矣

英購煤炭○九州報云英國政府現擬在香港新嘉坡可論保地方取買煤炭一旦東亞多事以便禁止賣煤使德國軍艦不能運動又恐他人疑訝專飭各地英商密買收貯不欲使人窺知是以前德國亨利親王所坐軍艦獨逸中蘭士號及給不比溫號二隻經蘇彝士運河以達香港沿途甚苦缺煤俄國軍艦魯西亞號東來之時亦因煤炭缺乏甚有困厄嗚呼其策亦可謂妙矣

法人論戰○九州報云法國某報論曰若俄德法三國同盟而在東亞與日英及意大利三國即難免開戰之事其危機迫矣現在俄德法艦隊數較之日英艦隊甚不敷即使德法艦隊操練得法亦未足懼也俄德法艦隊若果制勝則可始佔新嘉坡次據香港也若取敗則裁根府及給巴我地方悉歸日英矣

韓人敢死○九州日日報云朝鮮獨立協會員等憤俄國之日益驕謏屢請排斥之頃該會員等數百人同到獨立館以議將來之策有鄭喬者大聲排眾論曰國步艱難無如今日當此之時徒自驚憂擾擾以貽他人之笑寧不如以一死殉君國也會中同志之士須書一死字印鮮血以為誓徐載弼曰天下之大事已至無可奈何矣當解散獨立協會以各遂其生全軀愛妻子之輩須辭去以保餘命不然則或有危禍及躬矣李建鏞在旁贊其說尹孝定突起一喝曰否否君國將亡遑顧生命哉吾輩與諸君不能同年日月而生冀同年日月而死以仿桃園之故事矣云云氣焰萬丈滿坐戰慄於是各自灑鮮血而書死字者計一百六十二人共立盟誓以殉君國而散嗚呼韓國亦有義士矣

水師新槍○美國水陸軍報論美國水師新式槍用於海軍最為合宜其發槍之速每三分鐘可發五彈若欲在相距四十五亞爾德內外百發百中則發五彈須七分半鐘兵士中之善於放槍者每分鐘可發五十彈槍法最精且熟者每點鐘可發三千五百彈洵行軍利器也

日本立武德會○日本報云日本人士前與設大日本武德會講究武功訓練武技頃該會員等議費額七十六萬三千五百五十圓建築武德殿及演武場並訂造會員名號七十五萬個以分付各會員

新月奇談○德國那別魯新聞紙載漢堡地方有某天文家觀測天象云於西歷一千八百九十八年六月三十號當出新月一輪遠逾舊月二倍下界人均可目睹

本館告白○本報自閏三月初一日起開出附張奉送 閱報諸君不取分文

不繼足會題名

- 杜業楠字慶湘善化人 張之駿字沅仲桃源人 李大濬字紹晉長沙人
- 朱芳型字貞白慈利人 李世鏡字壽晉長沙人 張德潤字心平瀏陽人
- 李著瑞字楚筠長沙人 伍元渠字開山瀏陽人 劉佐樞字翰莊瀏陽人
- 洪文治字藻裳浙江人 劉燮煌字雲珊善化人 陳昌禮字寅瑛醴陵人
- 柳經天字菊秋長沙人 李紹晟字詎凡醴陵人 文獻字嶽喬醴陵人
- 杜業駿字海帆善化人 向兆璜字炳卿長沙人

閏三月初一日日用各物時價表

物名	每實	價值	物名	每實	價值
銅	兩湘平	一千三百四十八文	銀圓	每十足	七錢五分 湘平 九百十五文
鐵	千文	七錢四分	典錢	每十足	七錢八分
上白米	石	一千五百五十五文	次白米	石	一千五百一十二文
中米	石	一千五百一十文	河東谷	石	一千二百四十四文
河東谷	石	一千六百五十五文	灰	百	四千四百五十五文
洋麵	包	二兩九錢	油	百	五十六文
茶油	百	七兩一錢	桐油	百	七兩六錢
牛油	百	一兩八錢二分	菜油	百	六兩一錢
牛油	百	一百二十文	粟木炭	百	一千一百文
中棉花	百	七百九十文	上棉花	百	一千二百一錢
頭印折表	石一百四十四斤	十六兩九錢	下棉花	百	十六兩一錢
三印折表	同前	四兩三錢	二印折表	同前	四兩一錢
塊煤	石	一兩七錢五分	吳庄紙	石	四兩三錢
柴煤	石	三百五十五文	烟煤	石	三百一十文
	石	二百四十二文			

儒醫

瀏陽陳隱庵夫子序名贈精岐黃術住 求忠篤志二齋一號 同門公白

# 時務報伍拾冊股票

六月內出書 股票實至端陽止  
官堆 貳串捌百  
杭通 每部叁串 文  
毛邊 貳串  
票寄皇倉坪陳公館出售

# 王壯武公全集

公為中興儒將用兵如神是書稟膺書札及練勇符言等  
共念四卷皆談兵者不可少也  
寄南陽街富文書局發售

# 真人丸藥局

開設省垣走馬樓精採上品藥材專製丸散  
齊丹六種藥酒擇於本月二十九日開張

# 廣豐森綢緞洋貨布莊

開設長沙大西門專辦綢緞大呢洋  
貨彩標加樂緞青棉夏布疋俱全

# 推算易經命理

始師張會仙仙師精通河洛理數吉  
凶禍福准驗如神 同人代白

# 印送不纏足歌

凡欲問者請至南正街翁宅領取

## 四民合力生財說

南州熊崇煦撰

今夫一人創者百人和焉一夫勇者千夫奮焉其為財之所由生乎輪船之始製也或用風氣或用水氣其行不  
速而富商亦遲疑不用也乃英有迷羅耳者創用旁輪以助風力有代路耳者改用汽機以省人力有塞明敦者  
變通其法活汽機之動力及輪船製精而製輪船者家資亦罄夫其始製也不過助風力省人力活動力耳豈料  
今之太平洋印度洋大西洋推而南冰洋北冰洋之波湧而雲躍風馳而雷逝者皆輪船絡繹之踪跡乎豈料  
今之覆人國割人士刮人財歐人勢天不為之阻地不為之限者皆輪船迅捷之功用乎當車路之始造也羅馬  
時用木推行不廣也乃英有爾來諸路得者棄木用鐵始便利異常矣有名提威細克名威湮者因古汽車法創  
造火車始運載捷速矣有斯提弗森者製載重十七墩之車始為功益大矣其始造也猶疑而不敢盡用豈知今  
日患輪船為大浪撼動者乃造海中之鐵路乎鑿山為勞遷地為迂者乃造地下之鐵路乎其餘城鎮街市之上  
作飛空鐵路運載土沙煤礦木料作鑄鐵鐵路即至遊覽登山作騰雲鐵路技藝日巧思冥冥而通鬼神乎昔者  
拿破崙見輪船遊於湖濱嘆曰天下大勢從此合矣夫能合天下之勢斯能合天下之財故輪船鐵路通財之血  
脈者也其始一國行之二三國行之浸至數十國行之其始二三人能造數十人能造浸至各國之人皆習而能  
造國與國相接也人與人相較也迄今泰西各國享富強泰西之人安樂土者豈不以一人創而百人能振其勢  
乎一夫勇而千夫能合其力乎獨吾中國者士局於鄉農局於地工局於肆商局於市士欲奮而科舉之帖括縛  
之農欲奮而鉅拙之耒耜驟之工欲奮而疲頓之技器困之商欲奮而瑣陋之塵市拘之士農工商欲奮而不得  
奮其附於士農工商以求活者亦欲奮而不能奮士不得奮尚有鄙陋之帖括可摹也農不得奮尚有鉅拙之耒  
耜可操也工不得奮尚有疲頓之技器可運也商不得奮尚有瑣陋之塵市可守也其附於士農工商以求活者  
國不能為之生一業官不能為之進一策富者不能慨為惠賈者不能盡為慰於是幕也吏也胥也始與士別焉  
道也僧也始與教別焉屠夫也雇役也始與農別焉星卜也雜技也優伶也始與工商別焉其餘游惰無賴之輩  
結為匪會流為盜賊不知凡幾也夫吾國係一統之國也吾民係一統之民也乃至乞丐流氓京號街衙疲癯老  
幼委頓道路彼八駟而來者漠然也聯袂而過者自若也嗟夫皆赤子也乃痛癢之不相切如此無怪乎士不與  
士合力農不與農合力工不與工合力商不與商合力推而上之國不與民合力官不與官合力而適成一麻木  
不仁之國此病夫之請所由來也此士蠶之謫所由至也如是即有創行新法者能推行盡利乎即有合辦公司